



Broj: 01-2-3197/14  
Sarajevo, 08.09.2014. godine

**MEDIJIMA**

***Predmet : Saopštenje za javnost***

***Lizing sektor F BiH u prvoj polovini tekuće godine***

Djelatnost lizinga u Federaciji BiH na dan 30.06.2014. godine obavljalo je 6 lizing društava. Bilansna suma lizing društava u Federaciji BiH na dan 30.06.2014. godine iznosila je 509.078 hiljada KM, što je za 11,94% ili za 69.023 hiljada KM manje u odnosu na 31.12.2013. godine. U strukturi ukupne aktive lizing društava najznačajnije učešće su imala neto potraživanja po osnovu finansijskog lizinga koja iznose 331.423 hiljada KM ili 65,10% od ukupne aktive sektora lizinga. U poređenju sa 31.12.2013. godine, neto potraživanja po osnovu finansijskog lizinga su manja za 35.759 hiljada KM ili 9,74%, dok su bruto potraživanja po osnovu finansijskog lizinga manja za 50.026 hiljada KM ili 11,21%.

Neto potraživanja po osnovu zajma su na dan 30.06.2014. godine iznosila 57.131 hiljada KM ili 11,22% od iznosa ukupne aktive sektora lizinga. U odnosu na 31.12.2013. godine, neto potraživanja po osnovu zajma su smanjena za 6.826 hiljada KM ili 10,67%, dok su bruto potraživanja manja za 3.467 hiljada KM ili 4,85%.

Neto vrijednost osnovnih sredstava finansiranih putem operativnog lizinga na dan 30.06.2014. godine je iznosila 27.650 hiljada KM i za 2.353 hiljada KM ili 9,30% je veća u odnosu na 31.12.2013. godine. Ukupne obaveze po kreditima na dan 30.06.2014. godine iznose 466.122 hiljada KM i smanjene su za 54.503 hiljada KM ili 10,47% u odnosu na 31.12.2013. godine. Od ukupnog iznosa obaveza po uzetim kreditima, 419.793 hiljada KM ili 90,06% se odnosi na dugoročne obaveze (obaveze po kratkoročnim kreditima na dan 30.06.2014. godine iznose 46.839 hiljada KM). Ukupni kapital lizing društava je na dan 30.06.2014. godine iznosio 31.606 hiljada KM. U poređenju sa 31.12.2013. godine, navedena pozicija je manja za 4.356 hiljada KM ili 12,11%.

U periodu od 01.01. do 30.06.2014. godine na razini djelatnosti lizinga u Federaciji BiH kao rezultat poslovanja ostvaren je gubitak u iznosu od 4.717 hiljada KM.

**URED FBA ZA INFORMISANJE**